

叢書
中國方志

地方
華北

518

河北省

清河縣志

三



中國方志叢書·華北地方·第五一八號

據

民國·張福謙修，趙鼎銘纂
民國二十三年鉛印本

影印

河北省

清河縣志

(三)

成文出版社有限公司印行

中華民國六十五年 月壹一版

清河縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

清河縣志卷十二

人物志下 節婦 烈女 賢母 附才女 列女表 方按

國風爲王化之首其時輜軒所采半多婦人女子之詞或表其貞靜或嘉其賢淑甚至浥露載咏威悅興歌節勵冰霜恐見侮於強暴志矢柏舟洵堪愧乎鬚眉化行俗美於斯爲盛焉邑志猶國風也則巾幗之中其幽光潛德烏可聽其湮沒而不彰也故備志之以俟采風問俗者

節婦

明

高氏

李茂妻茂充吉安衛總旗墮馬病臥高奉湯藥不懈及茂卒高盡散家財爲喪具復買一棺置尸側至夜沐浴更衣自縊死與茂合葬洪武十八年旌表貞節 大清一統志

按此條舊志失載查高氏雖深州人而李茂實清河人也應從夫籍

崔氏

謝守已妻適守已四年嘉靖乙丑夫卒崔病泣不食者三月竟於靈所自縊時年二十有一有司給匾旌其門

韓氏

李從規妻韓朝宗女淑哲有姿五歲喪父再逾年母羅氏乃更適人女痛悼父亡母無偕志之節舍己他適誓終身不與母見年十七爲從規妻居二月從規忽染熱疾醫療弗愈

閱五月竟死死之夕氏即縊以從時嘉靖乙己冬也按院聞於朝詔旌其門翰林編修袁煒銘其墓曰金有時鏤石有時泐惟貞烈名彌遠靡蝕從規之殤或氣之忒韓媛之殞乃

生貞之直寢隱新阡煗煗
德有燦豐文永表閭則

田氏

張吉妻適吉甫五月流賊至境吉被害氏在母家聞之歸以首觸地死而復甦人勸慰之氏曰夫既被害我何以生爲姑指遺腹謂曰幸有子夫不死矣爾死無子夫何賴焉乃踰

五月生子恆後有媒欲誘其嫁者因囑左股肉自啖曰婦有二心有如此肉謀者不敢言恒方成立而卒貧苦無告所守益堅縣令給匾旌其門

趙氏

張玠妻生員趙昂之女流賊作亂時氏年十四未字從母避居臨清途遇數戎服者恐爲賊所污急就路旁井岸曰避亂而復遇亂天也脫不虞吾必死此衆愕然後適玠四年玠

卒氏方十九遂矢志不再醮姑憐其少欲嫁之氏號泣不從贊親撫孤苦節三十九年而卒

清

郭氏

耿至節妻至節病篤與郭訣曰我死若能撫孤成立汝名不朽我目瞑矣郭遵遺言撫遺孤歷四十六年如一日康熙志

解氏

廩生李閱妻年二十五夫亡事姑以婦代子教子成立次子弱冠入庠守節三十八年順治間已旌

薛氏

包悅心妻悅心殉明季難薛年十九遺孤國欽在襁褓家貧甚翁姑在堂紡績以佐甘旨值歲饑鬻妝奩購草子度日艱苦備嘗貞操不改守節五十四年縣令胡文煥表其門曰

持心如鐵

張氏

武訓民妻性嗜讀幼嫻禮儀長於翰墨年二十九夫亡守節三十餘年課子讀書成立長子純粹早歲遊庠次子範式早卒媳馮氏亦矢志靡他事姑孝人稱雙節

馬氏

樂化行妻二十三夫亡立志守節勸翁納妾以延後嗣翁姑卒事庶姑一若其姑家漸裕門庭嚴肅學政鮑源深以松筠節操旌其門

王氏

邱繼姜妻年二十八夫亡姑臥病侍寢食三年夫弟出嗣苦貧分田產之半與之教子讀書成立守節至七十歲卒

耿氏

王得時妻夫亡遺孤甫二歲姑年七旬食貧守節歷經兵燹歲荒不改其節苦守三十五年已旌

鄭氏

魏起鳳妻年十九夫亡遺孤在襁褓苦守至七十八歲卒縣令楊應雄表其門曰瑤池冰雪

趙氏

安汝翼妻年二十三夫亡撫孤子宸娶婦張氏年二十三宸亦亡遺孤孫永寧姑媳同撫俾克成立入邑庠督學錢陳羣旌其門曰松筠勵節

趙氏

郭敷典之妻文生趙常維之女幼而啞以是適貧室于歸後逾載而夫亡年二十無子以姪有嗣事孀姑克盡禮後姑卒姪亦殤無以爲養復歸母家孝以事母朝夕不離側動於

女紅衣數澣不易母卒從弟死從姪茹荼集蓼備歷艱苦而青年矢志白首不移吁可哀矣現年八十歲

王氏

潘三龍妻年二十二于歸二十四夫故現年七十八性溫柔事翁極孝姑年邁得沈疴氏躬親湯藥晨昏不倦鄉里咸稱爲節孝兼全云

康氏

武家那文庠生田春培之妻于歸宜家不幸夫多病氏奉事惟謹夫卒氏年三十無子以夫弟春溥長子濟爲嗣濟配詞林公王殿甲之女王氏素嫻女誡相夫以和事孀姑以孝

康氏慰甚無奈濟又早亡姑媳相依如母女康氏守志三十餘年康卒王氏抱養次弟濬子爲嗣三弟涵夫婦早亡遺一孤女亦依王氏如慈母氏亦視如己女現亦孀居二十餘年人咸稱一門雙節贈有節孝匾額

張氏

東高莊宋希孟之妻也希孟貧僅有地一畝節婦年十六歸希孟光緒三年歲歉希孟以不忍售其地困頓死遺子三與氏共困瀕於死者屢矣而氏苦撫三子仰十指度日氏故

多姿里中惡少涎氏者勢誘交施而氏矢死自守靡他靡慝晝則紡綿夜則爲窮袴衣不敢脫如警枕然醒仍紡綿更課三子工作不如課則嚴責不少姑息三子亦仰體親心工

作不怠不數年遂致小康娶婦生孫而氏之心已碎矣享年八十一歲至老尤不肯暫息紡績無虛日嗚呼飲食男女人之大欲存焉涅而不緇於繁華場中徵無上禪非大有定

力孰能與於斯吁氏之貞節亦可風矣

潘氏

劉保莊姜雲卿之妻也雲卿遭繼母年十七得痼疾垂斃矣先與潘氏締婚婚期已近戚族僉謂宜勿娶繼母狃於俗見謂必娶之親迎之日雲卿已昏不知人草草成禮屆新人

至引以見雲卿且告曰此汝婦也雲卿惟首微頷注目視以顛聲曰可令向壺套中坐譖語也越一夕卒戚黨咸勸另嫁而氏矢死自守言動必以禮孝事翁姑日以贖雲卿之愆

也恐翁姑過戚並不敢有哀容淚浮枕簟而已未數年繼母卒遺弱女三氏撫之如女祥慈藹然處妯娌以和遇孫輩以慈鄉族間共欽之爲請于縣長代陳上憲扁其門曰節孝

兩全壽八十卒之日弟妹哭之如喪母云

單氏

大田莊田清泰妻二十四歲夫故僅遺一女氏泣向議姑爲翁納妾生一子名清氏撫之甚殷今已畢業縣高級小學完婚有年村人共云田門若非單氏焉有此家可謂節孝雙全者矣

人物志

賢母

魏

王經母

經初爲江夏太守忤大將軍曹爽棄官歸母問歸狀以實對母以經典兵馬而擅去對送吏責之爽聞不復罪嘗謂經曰汝田家子今仕至二千石物太過不祥可止矣經不能從後爲司隸校尉坐高貴鄉公事被收辭母曰不孝子累及母母顏色不變應曰人誰不死往所以止汝者恐不得其所也以此棄命何恨之有

崔氏

房愛親妻太守景伯之母性嚴明有高識親授諸子經義景伯每有疑獄嘗先問焉貝邱民列子不孝吏欲案之景伯入白母曰民未見禮教故也乃呼其母來處之於榻景伯旦夕溫清其子侍立堂下未及旬日悔過求還終以孝聞

北齊

崔氏

王昕母學有宿訓生九子皆風流蘊藉世號王氏九龍所有文集傳於世

隋

崔氏

鄭善果之母少適鄭誠生善果而誠討尉遲回力戰死於陣崔年二十父母欲奪其志崔抱善果泣曰婦人無再見男子義鄭君雖死幸有此兒棄兒爲不慈背死爲無禮遂割耳截髮以明素心後善果以父死王事數歲拜使持節大將軍襲爵開封縣公邑一千戶開皇初進封武德郡公年十四授沂州刺史轉景州刺史尋爲魯郡太守善果出聽事母恆坐胡床於障後察之聞其剖斷合理歸則大悅若行事不允妄瞋怒母乃還室蒙被而泣終日不食善果謝過猶開諭再四勉以忠孝恆自紡績夜分不寐善果亦由此克已號爲法吏煬帝遣御使大夫張衡勞之考爲天下最徵授光祿卿母卒後爲大理卿漸以驕恣名損於治郡時

明

李氏

王賢之妻王謙謙之母爲前母之子而李生子義撫養均如己出謙讀書好禮事母孝義嗜酒游博不治生業母每嚴戒之一日義負資販於山東莒城爲惡少費遠苗敝誘破其資逆旅主人楊二諫之爲遠敝所殺適謙自家至莒求義遠敝欲脫禍遂懇謙因責弟殺主人官司拷訊謙誣服李聞急奔赴陳告義平生無賴罪當坐謙乃得免有司嘉其事旌表其門仍釋義之囚有王母傳行世

李氏

周胤府妻性賢淑崇禎戊寅歲遇亂棄女留姪後姪應元遊泮食廩餼皆氏教養之力邑宰特旌其門

清

王氏

楊成捷之妻璐之母氏翁有痰疾怔忡不能理家事氏竭盡心力侍奉無倦經理家務內外整肅事翁姑能得懂心親戚族黨有艱窘者必濟之課子讀書後以持家乏人乃使援例貢成均有孫三甫皆齡卽延師教讀師保姻誼供給懇懇十餘年如一日

張氏

楊璐之妻一名之母也慈惠而明斷雖事務叢集一經排發井井有條慷慨好施六嫗鄰里咸感銘之課子讀書甚嚴每稍惰輒譴訶不貸訓子以大義長子一名監生次子一峰舉人任新樂縣教諭一鶴廩貢生任山東樂陵縣知縣孫七長鼎昌次臨昌咸昌震昌皆入泮以爲賢孝之報云

王氏

劉廷樞之妻步嶺之母也嶺十五失怙家貧讀書艱於供給氏紡績供筆硯資每當晨夕詔子囑曰讀書求成名爾父有遺訓勿嬉戲爲也後嶺入泮食餼氏命以教讀恐儉閒屢垂誥誡有斷機遺風咸豐辛酉嶺登賢書氏已年逾七旬猶復勤儉如初有孫五人長春塘次雪塘均入泮餘俱幼曾孫玉璽法律學校畢業曾任任邱縣管獄員督署軍需課課

員以功保授縣知事分發直省補用甘旨必分恩義兼盡至若料事明決困阨窘急者求無弗應尤巾幗中不可多得也年登九十一而卒

于氏

馮振修之妻永安之母也性溫和有賢聲修有前妻子永安永善俱幼氏鞠養成立與生子永興永和永敬無異又身勤紡績率羣孤敬事舅姑克盡其孝年登八十有五子孝婦

順一門
雍睦

魏氏

歲貢生牛執中之妻登桂之母也素嫺閨訓通詩書教子不涉姑息偶嬉戲輒譴訶不稍貸人勸之氏曰習慣成自然豈得以冲幼恕耶及長延師授讀每自塾歸必以功課切爲

提撕以持家無人使援例貢成均光緒壬午恩職考取優等以主簿選用教子有方人擬諸畫荻之風云

薛氏

庠生簡型樸之妻舉人全天之母也未字九歲失怙家貧無兄弟親操井臼與母崔氏紡績度日子歸後夫因貧在外教讀氏婦兼子職事翁姑儉色婉容無忤違處夫之伯父母

無子因氏孝以氏夫承嗣氏事兩翁兩姑極意承歡恐餽糧不給嘗自食稀粥留以復還病侍湯藥無違喪葬盡禮其後遇生辰忌日必竭誠致祭有非人子所及者又恐生母乏

食時常省視養生送死一身任之蓋孝出於天性也生二子長存質列俊秀次存仁登賢書

張氏

莊德隆之妻太學生霞峯之母也性貞靜慈而能嚴期子成立延師教讀勤紡績供筆硯資偶廢業輒切責曰綱常倫理盡載詩書汝不耽誦讀奚由知大義由是子遂以博覽自

奮氏臨終謂其子曰汝克守吾教吾九泉亦瞑目矣時年八十有一

宗氏

焦永謙之妻九齡之母以持家無人爲子援例貢成均閱數年子病故遺孫海峯尙幼氏養育成立延師授讀尤樂善好施道光十九年歲歉族里貧租者頗多氏傾資代爲完納

邑侯蔡嘉之爰旌其門曰踴躍輸將

邱氏

文生莊輝吉妻太學生一峯之母峯爲前母子氏視之教養懇懇如己出者又使其生子玉峯貢生敬事之率姪輩同炊舉家三十人無間言族中喪婚不給者每以資助之又勸

以和睦鄉里借貸不吝所有咸豐七年歲飢出粟二十石分給閭里人皆德之

魏氏

附貢生崔懋修之妻監生克順文生克廣之母事祖姑以孝聞氏常患腿疾祖姑寢食猶必親身奉事晝夜不倦數年如一日性情慈惠好善樂施光緒三年飢氏屬令二子將綿

花五千斤穀八十餘石賑濟貧困鄉黨感德不衰時年八十有二

王氏

文生王道之妻武生慶平之母溫厚慈和庭訓有方孫風和食餽風俊遊庠年登九十有一

沈氏

趙居易之妻常勝之母奉身儉約一生菲食惡衣治家勤勞長年織紡無倦每語兒女輩曰勤儉乃衣食之本家雖豐不可稍逸奢年八十二歲而終

王氏

趙常勝之妻璫之母性剛正有操持治家勤儉井臼自操制布終身當以姑沈氏所遺紡車示兒媳曰此汝祖母一生精力所在爾曹勿忘艱難姑沈氏晚年得癰症早夜往返侍

疾肺感風寒常患咳嗽毫無容心目教子義方兒女有過嚴責不稍貸必長跪改而後已故皆凜凜祇遵不敢蹈於愆戾氏之教也年登八十有一

郁氏

楊哲之妻觀儀之繼母也性慈和一家五十餘口見之無不慈愛者對於前室子觀儀猶刻刻在念逾於已出觀儀在村中貿易朝夕出而不歸每倚門閭而望見者不知其爲繼

母也夫早亡孀居食貧茹苦含辛備嘗艱難躬紡織以供子讀卒使觀儀成立入邑庠勲勲懇懇至觀儀六十餘歲猶慈愛不忘鄰里稱爲賢母云

邱氏

庠生王心乾之妻奉先之繼母也性賢淑溫惠待前室子女加意撫恤逾於已出故前室子女亦皆視如生母絕無失恃之感佐夫罷勉盡禮時或違怒則曲意服從必霽顏而後

已有姊貧而寡接至家侍奉惟謹毫無倦容攝攝家務事理通達特籌握算明敏過人雖男子弗逮也諸女習於母訓均婉孌端莊時人奉爲閭閻親族里黨迄今猶嘖嘖稱道不

衰云

郁氏

劉澄清之妻廷選之母也事嗣翁姑以孝聞姑賈氏性至嚴對於子媳稍不如意輒呵責之氏柔聲下氣委婉進言必得姑歡顏而後已姑晚年得牙漏膿水流口外氏每進食嘗侍立食有餘輒令食之氏立食無難色姑病危謂氏曰我兒敬事我終身我無他願願兒子孫世世孝順言訖而歿姑歿後哀毀盡禮教子以義方稍不合令子媳跪自思過失以故子孫皆敬謹無過鄉里以賢孝稱云

牛氏

劉廷選之妻孝事翁姑姑性嚴對子婦稍不懌輒令跪切責之妯娌三人牛居長雖斥責仍愉色婉容率妯娌敬事卒得親歡前室子三待之逾己出性情和藹慈惠愛人親戚有急周之無吝色視姪輩如子姪輩亦敬之如母故至今談母教者鄰里多稱之

馬氏

西小官營劉瑞祥之妻例貢生師範畢業殿英之繼母也事翁姑以孝聞夫故氏年二十五殿英僅八齡氏視如己出嚴慈並施即延師教讀稍懈即呵責之不少貸英承母訓讀弗輟後府試冠軍以傳考使援例入貢閭里欽其德旌其門曰節孝壽慈

袁氏

于家莊張振邦之妻陸軍中將參謀長寄濱之母也夫故子幼翁姑俱衰氏貞節自守代夫行孝勤勞操作寄濱稍長即令就學以軍官大學畢業充陸軍中將參謀長皆其母之

賜也

劉氏

四家務武庠生王立身之母二十歲于歸時家寒素勤儉度日孝事翁姑每夜紡績必至更深晚年以富稱尤能教子有方長立身入武庠次立歲歷被推舉辦理公務民十一年

氏年八十四鄉公晉匾額又六年無疾終

劉氏

王二莊宋傑賓之母傑賓夫婦早亡遺二孫均幼家尤貧困氏以紡績供給兩孫讀至高級卒業鄉人共贊揚之

許氏

南郭莊劉天澤之繼室長姪之母也性賢淑待前室女慈愛周至生一子長姪甫三歲氏年二十四天澤病篤謂許曰吾死不足惜所慮妻少子穉既無伯叔又鮮兄弟孤寡無依

未免抱恨泉壤耳許泣曰妾雖女流亦聞大義君如不諱同赴夜臺始愜素心奈撫孤無人嗣續爲重余當保赤子理家政以慰君靈誓無他志天澤曰能如是是一人守節三族有

光吾心感而日暝矣卒未葬有外戚某某欺其孤寡率衆執刃劫財並文契賬簿盡括一空氏遂呈控於黃前縣長得以伸雪乃命子就傳讀十七遊泮兼師範畢業前縣長王錫